

香蘇山館詩集

香蘇山館今體詩鈔卷八

東鄉 吳嵩梁 蘭雪

仙掌厓月後

一曲清溪換數峯峯峯向背不相同  
舟行盡日空明裏路入諸天積翠中  
今夜補看仙掌月滿身香透桂花風  
試吹長笛臨高閣還似賓雲奏未終

由九曲歸武夷宮舟中有述

一櫂樵風引路還可憐身又落人間  
十三仙亦添惆悵親駕虹橋送出山

吹笛前來夜正中月明三十六芙蓉  
孤亭今在層霄裏

背指天游第一峯

接筍峯高石戶扃似聞茶洞有餘馨御園新墾田多少  
穀雨年年一樣青

石廩仙機結構牢隱屏蒼翠捲雲濤一峯晚對尤奇秀  
潑墨山成聚米高

金雞洞口鎖蒼烟溪北溪南盡茗田買得百花莊裏屋  
青山偕隱卽神仙

一庵棘隱悟前身飲水餐花也夙因莫道蛾眉丹訣少  
洞庭仙宴半閨人

止止庵前萬竹斜水光石畔暫停槎香風一徑隨人出

留得青蘭壓鬢花

老桂前番尙未開如今黃雪委蒼苔仙家亦有飄零恨  
幾日看花夢又迴

小將嶺

鐵馬秋風幾戰場金鷺峯下話南唐英雄老去歸仙籍  
始信胡麻飯最香

紫溪道中

濃於潑墨嫩於苔山翠千層埽未開剛被白雲遮半嶺  
一峯天上訝飛來

雨後泉聲妙不窮奔流成雪臥成虹尋常澗壑皆奇景

恐是天台雁宕中

野碓柴扉掩夕曛十分秋色與平分  
水田晚稻連村樹一半黃雲半綠雲

花上花

吳氏行館有花一株枝葉似繡毬其萼碧色而抽蕊作末麗名曰花上花

繡毬末麗讓風標花上花開雪未消  
折取一枝歸插帽風光閒記紫溪橋

舟中望滕王閣憶甲辰舊游愴然有作

都督高秋醉綺筵當時歌舞早成烟  
如何傑閣名千古

卻借才人序一篇臨水更彈知己淚

謂戴文端公

好風誰送

渡江船斗間豈有龍光射不賦淩雲已卅年

彭蠡湖示方茶山太守

挂席南風正開窗萬頃收嶽雲蟠地盡湖水入天流去  
佳懷仙侶飄零傍客舟會須春釀熟一醉庾公樓

雨甚欲游廬山不果戲柬茶山

高浪如山蹴嶺雲十年不渡大江濱布帆昨卸潯陽郭  
一爲匡君一使君

風雨連朝阻俊游不攜筇杖不扁舟閉門也有看山福  
日日同君上庾樓

郡齋桃花盛開同馮百史大令話舊別後卻寄

世事如雲雪滿顛一樽難得又花前誰知桐帽棕鞋客

曾見集言卷之二  
曾是春明俠少年

故人纔飲花前酒  
酒未醒時已落花  
寄語東風須愛惜  
剛辭樹杪卽天涯

太平宮

澗水三山近琳宮  
掩薜蘿御書唐殿古  
祠祿宋朝多授墨  
堂誰築燒丹井不波  
洞天興又廢塵海況如何

西林寺

舊傳陶範宅名蹟  
比東林影石封雲久  
香泉受雨深諸天  
迴遠簾十地印初心  
官冷休須早蹉跎悔到今

棲賢寺

舊讀欒城記名山園廢興焚香觀舍利留帶說中丞公  
綿三峽水逾壯五峯雲欲蒸只疑深澗裏猶有古來冰

萬杉寺

夜色空蒼合諸天梵唄清雲攬高樹直月碾亂峯平潭  
水收龍氣厓風撼虎聲人間雷雨急誰識上方晴

秀峯寺

即古  
開先

孤磬出雲關聽泉夜未還雷鳴千澗底月隱萬松間說  
法猿俱定參禪虎亦閒明朝尋石鏡重與埽苔斑

瞻雲寺

即古  
歸宗

石鏡溪前路金輪峯下禪池香誰洗墨簾影自飛泉道



味鹹釐永機鋒怪石圓老松枯又發不記手栽年

對廬書屋雨集偕陳堦世慶游烟水亭

開門卽湖水湖上是廬山一棹搖烟入千峯對雨閒道

心清磬裏詩徑落花間仙令吾曾識何妨借笠還

呂純陽曾

爲德化令祠有  
石刻戴笠圖像

聽泉樓示羅石帆秀才

三日淹筇屐游山雨又催推窗放雲入欹枕聽泉來園

筍燒初熟瓶花養未開天機隨處有陶冶費清才

留雲閣後山踏月同廖雪鷺居士去凡上人

石磴逡巡踏薜斑滿身風露未知還雲圍瀑水聲中寺

月轉松陰缺處山新霽  
恰逢三日暖清緣才補  
卅年慳匡廬不少探奇  
客誰似禪心此夜閒

仰天坪

紫霄雙劍鬪鋒鋌太乙  
峯高接漢陽衣上白雲  
晴更溼笠邊紅日午猶  
涼岷峨撲地成坵垤吳  
楚浮天入混茫回憶披  
霞亭畔路鶴湖一曲但  
漁莊

雨後暫還潯陽訪紫極  
宮舊址遂登鎖江樓游  
琵琶亭而歸

紫極宮誰訪舊游青衫  
客又送扁舟從來名士  
多傷別不信仙人亦感  
秋六代風烟銷戰蹟一  
江花月蕩春愁

草堂便擬爐峯築莫遣匡君笑白頭

白鹿洞

溪轉峯迴入畫圖講堂猶是舊規模雲中五老充齋長  
嶺下千畦納洞租勝地古來稱國學名山我愧主鵞湖  
先生手植今憔悴華蓋松應補一株

楞伽院鐘樓下舊有李公擇女兄黃山谷姨母崇  
德縣君畫竹石刻今已不存擬鐫岳姬綠春墨  
竹補嵌壁間畫格雖不高或附名蹟以傳亦韻  
事也

尙書女兄有高格石墨曾鐫秋竹枝離披已失風雨態

幽閒誰仰天人姿鐘樓妙蹟今重補山谷瓣香吾所師  
畱與名山增掌故年年響榻畫兼詩

### 大孤山

莽莽春潮赴海門中流砥柱此山尊全收章貢爲關鎖  
只許金焦作弟兄直可撐天惟峭骨深知立地有靈根  
平生敢信無依附身世波瀾共孰論

### 庾樓燕集呈茶山太守兼柬蔣淥初明府

樓頭積翠萬峯來樓下奔濤九派迴風月主持須勝地  
江山管領要雄才前朝戰壘銷都盡鄰舫么絃聽可哀  
難得文章賢太守碧桃花裏共金罍

十載題襟鬢雪新  
士能風節吏能循  
酒惟吞海狂無敵  
詩可名山替有人

謂公子通甫

徐孺交情客下榻  
向平婚嫁

了前因彈琴種菊  
吾家事願徙柴桑  
作部民

南康郡齋小集畱贈狄相圃太守兼柬吳松岑明

府

游徧仙山展齒香  
一樽移就午陰涼  
民情久識歸黃幹  
洞學能兼事紫陽  
澗底名泉皆美酒  
庭前古桂卽日棠

替畱廉吏新詩話  
五大叢林六老堂

太守指謂郡齋曰此南康第五叢林也

佛燈

一燈一如來  
千佛千燈影  
我有見佛緣  
再宿天池頂

五葉庵

庵在太乙峯背

山上有蘆林林中孤寺在誰乘太乙船一花泛雲海

老鷹崖

老鷹勢千盤一舉入雲內我登太乙峯俯見盤鷹背

大月山

特立異羣峯奔流自東注欲尋三疊泉此是探源處

竹影寺

竹影非竹林寺在蒼雲頂枯坐不知年竹外山猶影

長隴

長隴如平田耕雲在山半上有豆葉坪下有桃林澗

黃鶯岩

我來黃鶯若不聞黃鶯語山氣忽沾衣泠泠下仙雨

金竹坪

背枕九奇峯中藏千佛寺矮松如龍蟠捎雲有奇氣

火蓮院

戒壇在南谷其地一袈裟擲筆火坑中亦有青蓮花

歸宗寺鹹磬

識得歸宗寺鹹磬澹有餘只宜青玉峽飲水讀仙書

尋真觀方竹

方竹爲吾杖扶衰似少年此君有真性不爲老僧圓

九峯雜詩

庾樓回首已人間一笠飄然未肯還  
莫笑書生緣分淺幾人冒雨入廬山

田塍溪路亂流通瀑布迢迢自九峯  
十里菜花黃盡處人家都在水雲中

莽莽雲濤萬頃寬石船終古泊蒼寒  
武夷靈跡分明在只少仙人一釣竿

天花井在最高峯聞道泉源海暗通  
采得仙芽雲霧裏煮茶還就翠微中

溪水奔流似海潮叢篁古樹自蕭蕭  
昨來烟雨空濛裏



曾挂紅藤過石橋

一峯雨意一峯晴斜日荒荒又不明遮斷青松三萬樹  
浮雲飛瀑共縱橫

百道飛泉樹杪斜寺樓多被嶺雲遮卻因一夜天池雨  
流出黃龍澗裏花

一笑看山悟夙因多應瘦島是前身連朝游屐都沾溼  
半是青苔半白雲

滄浪說法老猶能味外酸鹹得未曾今日拈花付衣鉢

九峯雲裏一詩僧

寺僧慧朗自稱九峯詩弟子有雲濃  
暗溼游山屐雨細微侵聽水人之句

紀游雜詩

才入廬山骨已仙不尋丹井不參禪  
匡君拍手雲中笑欠我新詩三十年

社中十八盡高賢陶謝當時未入禪  
一種詩人風味別

自家栽菊替栽蓮

白蓮池

惠山泉畔記初盟小閣留雲已隔生  
今夜故人詩夢裏

松濤萬壑月三更

留雲閣有洪稚存詩君前來游亦下榻于此

欲陟危峯徑已蕪禹王遺跡問何如  
方壺只在雲深處

願跨琴高赤鯉魚

昭德尋真

二觀名

路屢經相思澗水自泠泠錦雲遮斷山

南北此是仙家九疊屏

秦漢茫茫付劫灰  
翠華曾拂紫霄迴  
救人不及楊家女  
保藥乞真風觀裏來

一角荒亭夜寂寥  
聽風聽水又蕭蕭  
古松不辨親栽樹

明月依然似六朝

聽松亭在簡寂觀

東坡佛印共參禪  
說偈論文亦可傳  
供養此來無長物

且尋怪石注清泉

我豈淵明茂叔徒  
性情也許共蕭疎  
虎溪游過鸞溪去

方外門生鼻筍興

謂慧朗

臺上真人驂白鹿  
谷中道士跨青牛  
眼前都是昇天路

誰解雲中汗漫遊

青牛谷白鹿昇天臺

瀑簾影裏掩柴扉危坐臨流似釣磯閒煞當年饒處士

茅龍幾日又更衣

康王谷

香谷香泉草亦香石花寶樹總尋常明朝一換飛雲履  
只恐先生鬢又霜

### 十九日登舟留別廬山自書紀游詩後

一別名山已夕曛四仙五老送殷勤嚴關自喜輕裝過  
不稅新詩稅白雲

唐俊公觀察權九江關客有投詩者輒免其稅名曰稅詩

雲往雲來一味閒詩情多在有無間今朝奇秀都探盡  
三十年前夢裏山

雲海迴潮瀑響雷峯峯生面是重開眞形五岳圖應遍

只有匡廬畫不來

管領仙山吏亦仙吟筇屢約悔遷延新詩異日探懷袖

一月清遊抵十年

王簣山龔西園雨太守約遊未果

曾爲白庵題畫卷又聞小築記天香團茅眞踐平生約

輸與茶山一草堂

白庵白香皆擬卜居

半月狂遊路漸諳搜奇山北又山南天池寺與黃巖洞  
雲臥終須結兩庵

枉占名山恐未宜高僧從古例能詩而今我續青松社

一衲雲遊四住持

謂如海及去凡覺源指月慧朗也

吾家亦在水雲窩小別溪園夢已多歸與北堂斟壽酒

松花香透茯苓窠

縞衣吹笛月明中曾住天游第一峯

武夷第六曲去秋與姬人同游于此

悔不重攜雙髻女仙山來訪李騰空

千首何須傲五侯一筇雙屐自風流瓣香敢附藏園老

天下名山許獨游

用嵇拙修相國題蔣心餘先生攜二子游廬山圖句

### 澹竹葉

小朵幽花色太嬌一秋風露總無聊清沙淺水沿畦路  
惆悵何人拾翠翹

五月七日兒子以昌生去年八月余入武夷泊舟

六曲登天游峯求嗣於觀音閣今荷默佑字曰

天游紀其實也

癸酉

芳蘭前日報生孫

交花館開並蒂蘭一枝且結實方言稱曰蘭孫

果聽啼聲試

浴盆賀客三朝同載酒慈顏一笑且回溫中年久識宗

祧重往事纔收涕泪痕但願長成災難少聰明愚蠢不

須論

九曲尋秋一櫂迴青衫紅袖染蒼苔曾瞻滿月莊嚴相  
親擁慈雲抱送來小字也教知勝蹟名山未合孕粗才  
花前索乳尋常事可認之無莫浪猜

交花館卽事

老屋三間近小園白沙翠竹亦江邨偶然臨水思移艇

除是游山未出門小婦貪書如課女衰親健飯爲添孫  
頻年暗淚知多少纔得全家笑語溫

宦游爭似守鄉園林壑居然又一邨月夜有人堪對酒  
花時無事不開門池魚雨後多生子庭鶴年來亦領孫  
插架縹緗慵未展道書一卷且重溫

題韓桂舫中丞入覲省親圖

百粵風清坐嘯時朝天絳節未應遲六鰲低首爭扶櫂  
一鶴隨身自咏詩兵氣久銷歸稼穡

宸心猶切問瘡痍趨庭難得家山近畫錦承歡四海知  
花裏笙詩勸午餐



天恩感激淚汎瀾朝廷已借名臣重膝下仍將孺子看  
魏國勲階中歲少眉山家學並時難門閭髮白遲歸養  
愧煞槐廳最冷官

吳綵鸞寫韻軒在進賢門外紫極宮側嘉慶五年  
今河督黎公湛溪前令南昌重加修葺肖像其  
中

繡襦甲帳不勝秋騎虎西山汗漫遊塵海偶然成小謫  
神仙從古愛雙修簪花天上誰彤管偕隱人間幾白頭  
願乞寒閨安硯地鈔書賣字亦風流

同年顧南雅陳荔峯徐少鶴朱紉齋諸公先後皆

簡督學政賦詩寄懷

玉堂消息慰離居  
絳節連翩奉使初  
但使人才皆長養  
何妨吾道自迂疎  
平生老眼花無翳  
今日清心水不如  
一樣風簷辛苦地  
單寒猶有淚霑裾

哭法時帆學士

仙驂汗漫捲鯨波  
綵筆干霄氣未磨  
七子盛名推北海  
一場春夢了東坡  
及身遭遇衡文少  
同館公卿執贄多  
只有詩龕能不廢  
午塘壇坫並嵯峨

謂夢文子先生

折節論文二十年  
俊游從此隔人天  
閒吟每愛邀張籍  
永訣先愁別鄭虔  
白髮更酬知己淚  
青箱難換買山錢

荷花今日開無主萬古淒涼一酒船

題吳白庵五十七歲小像

卅載詩名換白頭水雲蹤跡似閒鷗青山荷鍤能狂醉  
紅袖扶筇亦俊游畫裏相逢惟一涕身前自許已千秋  
平生花月追歡地淒絕東湖舊酒樓

人間萬事足波瀾生死知君付達觀想見月高雲淨夜  
醉吟鯨背海天寬

題吳可之栽竹種梅二圖

六琴館外午陰涼新筍枝枝愛出牆聞道斜川題句後  
粉痕鐫破字猶香

一鋤明月破蒼苔幾日香風爛漫開惆悵無人畫疎影  
禁寒我亦種花來

題昆明錢生若舟詩卷

清襟如水字霏香年少風華已擅場不道老夫衣鉢舊

門生門下有冬郎

生受業于劉生于岡

萬蕊千花不易開春風醞釀費心裁願收繁豔歸根柢  
管領江山要異才

老學庵中憶昔游愛才心苦共千秋我非調語如甌北

此筆終須讓出頭

趙甌北觀察見贈詩我讓出頭非調語世無敵手始奇才之句生爲觀察

外孫壻故以移贈

龔西園太守招集寓館賦贈

渤海風流有替人論交作吏總天真  
機心早忘鷗俱狎苛政能除虎亦馴  
愛士果然如骨肉守官誰與念清貧  
雲中五老應惆悵不許名山借寇恂

文讌尋常亦有情涼燈細雨又江城  
人如晚菊三秋豔酒比新詩一味清  
心事知君兼吏隱頭銜愧我署漁兄  
故溪欲別仍回櫂且與雲沙踐舊盟

螺墩小集

看花難得養花天細雨斜陽又泊船  
花事三分人半醉也參禪味也游仙

嫩綠嬌黃照水涯  
菜塍香細柳絲斜  
緋桃一樹高於屋  
猶有風枝未落花

密竹叢邊小徑開  
屐痕沾溼半蒼苔  
明明春水深深樹  
溪影玲瓏畫不來

寺樓小立愛高閒  
偷倚窗櫺覓句還  
一種蛾眉江上綠  
帆檣低處是西山

歸舟雜詩

一笑推篷得句初  
棕鞋桐帽自蕭疎  
白鷗何事迴翔久  
也傍扁舟聽讀書

楓葉鮮紅柿葉殷  
疎林掩映夕陽間  
一痕眉黛青於染

畫出江鄉雨後山

露朵霜枝整復斜  
烏篷滿載到山家  
柴桑風味無人識  
錯認園丁賣菊花

湖蟹經霜味更鮮  
詩腸枯渴易流涎  
平生最有持螯興  
況在黃花綠酒邊

隔浦浮嵐翠幾層  
江光黯黯暮烟凝  
叢篁老樹秋陰裏  
紅煞人家結網燈

柔櫓動搖空水光  
平沙遠澈青茫茫  
浪花一擲如崩石  
知有鱸魚幾尺長

烟裏曾無襖靄聲  
一蓑一笠一竿橫  
小船流過沙洲去

上有漁翁卧月明

樂平張公祠

燕子高飛病虎來  
宮中一炬九門開  
枉教方練成奇節  
卽用齊黃豈將才  
鐵板下城奔騎出  
緋衣犯座異星顏  
金甌太息無人補  
只許孤忠管劫灰

崇祠風雨見精靈  
遺塚荒涼逼訟庭  
先軫歸元容未改  
萑宏化血草猶青  
譙樓大節看題字  
古井全家待勒銘  
一種孝思堂下樹  
啼烏夜半不堪聽

和陳韻石明府黃鶴樓詩

卅載不登黃鶴樓  
聞君新句懷舊游  
千帆落日爭暮色



一笛涼風生遠秋江山易墮謫仙淚文字能銷羈宦愁  
夢裏驂雲浩歌去青天碧海皆浮漚

范文正公蜀錦亭

在饒州府舊有公手植海棠

大節高情兩不妨一亭花影幾斜陽相公憂樂關天下  
也有餘閒種海棠

澹湖茶話圖爲張春槎明府作

湖天愛清曠一榻坐移時樹影涼于水茶香妙入詩笛  
高樓月午鈴小塔風遲除卻閒鷗鷺秋心未許知

讀劉松嵐觀察游華山詩奉寄

不涉蓮花頂焉知石瀑奇千峯盤地盡一杖拄天遲人

海波難定仙心險亦夷夜吟風震榻應有虎聽詩

陳九香邀飲夜歸

十里澹湖路暮天寒更青亂燈低貼水孤檠緩搖星鄉  
樹雲初合離筵酒易醒遙聞沙際雁嘹唳入空冥

次韻答張鶴舫

瓊英教授

花滿江南載鶴還冷官容易占名山仙心肯墮風塵底  
詩骨孤撐海岳間連日金龜能換醉前身玉局敢同班  
采芝人去東湖綠願養高雲一味閒

身世年華涕淚中一聲鐵笛海天空樹量花月皆前事  
吐納雲烟卽化工青眼高歌今杜甫白頭偕隱幾梁鴻

剪燈且愛連床話歸櫂寒江正朔風

鶴舫以游仙招隱命其子子和作鏡天花海圖賦

詩酬別

春風吹綠遍蓬山瀑布羣飛鳥嶼間萬樹桃花千日醉

一天明月兩人閒鶴奴小字生猶記

武夷山人謂余爲白玉蟾後身蕭

史同修願早還

君與余俱悼亡

成就仙才須苦行洞扉終古不

曾關

一枕黃粱日未斜人間擾擾正塵沙香城忽漫逢仙侶  
弱水何當泛羽車李白稱臣先受籙蘇耽奉母未辭家  
會須共爾吹笙去鶴背歸來飯落花

于越亭月夜次韻答周澗東孝廉

爛銀盤裏幾青螺  
欲泝空明奈遠何  
山郭低含雲意重  
水天寬受月華多  
三更露坐移松影  
一盞離愁盪酒波  
明日珠湖搖槳去  
烟中款乃但漁歌

餘干重修東山書院落成  
余自饒州歸里道出於此  
及門洪厥昌孝廉張鳴鶴  
明經載酒來會爲

賦二詩

廿五年前一草堂  
湖山依舊換門牆  
祠修理學風原厚

經註離騷字亦香

雲風堂爲朱子註離騷處

亭下屐聲紅葉碎  
水邊

詩夢白鷗涼手栽  
已是參雲樹爭怪  
先生鬢早霜

奉母躬耕始願虛冷官隨分守迂疎傳經曾載中山酒

謂琉球官學生  
梁文翼諸子

簪筆容鈔

祕閣書海外才名羞畫餅

林間風致愛籃輿一峯花蕊臨寒淥茶竈終尋舊隱居

史春林大令招集餘干縣齋賦贈

松庭東畔卽書堂雙柏高寒出院牆紅日未升朝判牘  
青天可告夜焚香湖邊下榻雲俱定花裏分箋酒未涼  
一塵論心清似水從知咳唾亦冰霜

蓬山樓閣在清虛久別春明夢亦疎攬勝暫拋閒杖履  
治裝還典舊琴書能爲循吏皆青史各有衰親奉板輿  
出處千秋應努力莫因風雨感離居

陳秋河大令贈詩有聞道相如人盡識可曾負弩  
有臨邛之句奉答二章

車馬臨邛倦欲還  
當鑪紅袖笑緣慳  
少年曾賣長門賦  
悔擲千金未買山

牛背前朝吹笛地  
布帆明日浪花中  
馬當山色青無恙  
或借書生一櫂風

香蘇山館詩集

卷八

九

體詩鈔卷八終

香蘇山館今體詩鈔卷九

東鄉 吳嵩梁 蘭雪

甲戌二月朔日入都

水雪扁舟奉母還三年枯臥掩柴關身拋畫省清班外  
家在寒谿古木間書味漸深頭易白名心久定夢俱閒  
東風一笑真無賴吹送春雲又出山

大笠高筇興最幽傳經餘暇亦風流紅鷺浴雨平湖曉  
白鹿驂雲古洞秋小婦曾偕尋玉女佳兒偏愛喚天游  
前年游武夷同姬人登玉女峯  
宿天游觀歸而舉子名曰天游

仙山在十洲



詞玷題襟半老蒼後先持節蒞江鄉柴門屢映旌旗色  
官醞都流翰墨香陶令飢驅增感激鄭公幕府恕疎狂  
平生出處多慙負賸有酬知淚數行

花樣文章老不能黃蘂風味別紅綾五湖何地容偕隱  
一第如天未易登下士早知甘澹落衰親猶自望飛騰  
只愁祿薄難迎養依舊頭銜冷似冰

菜花

淺碧茸茸襯嫩黃平疇十里繡春陽菜花多處迴風遠  
別是田家一種香

二月二十日泊虎邱過孫子祠寓園泣然有作

漫天風雪過蘇州一慟何堪訪昔游  
繫纜已迷新綠樹  
簷門非復舊蒼頭  
飛花落絮濛濛影  
小徑迴廊步步愁  
偏是畫闌同倚處  
洞簫聲斷又江樓

亭榭依然水一方  
綠天深淨記招涼  
玉釵敲月吟初穩  
羅袂臨花語亦香  
豔福早知愁易種  
清才底信命先妨  
春波曾照驚鴻影  
爭許南園不斷腸

不合雙修分太慳  
讀書容借小瑯嬛  
能消人海千重恨  
只有花天一味閒  
卜築何時鄰古墓  
招魂此地卽仙山  
擬招魂葬于紅情綠意飄零盡  
修竹年年長淚斑  
郭頻劉碧環墓側紅情綠意飄零盡修竹年年長淚斑  
郭頻劉碧環墓側紅情綠意飄零盡修竹年年長淚斑  
綠意詞各一闕甚工

露葉風枝妙蹟多家家刺繡入冰羅誰知賣扇寒閨女  
也是傷心春夢婆山塘女子有繡絲姬畫蘭圖白髮重  
來尋賸墨青山仍與畫修蛾玉簫有約終嫌晚花月淒  
涼奈爾何

題齊梅麓大令詩卷卽用張船山太守韻

小謫仍邀

聖主慈九峯新翠入仙詩豈無巧宦能安拙縱有雄才  
願守雌椽燭修書曾雪夜板輿迎養及花時一編自訂  
千秋業把臂名山計未遲

題玉井道人空山聽雨圖

一櫂低徊又十年  
溼雲如夢水如烟  
重來煮茗焚香地  
恰是飄花落絮天  
白髮蕭蕭尋畫隱  
青山黯黯入詩禪  
上清亦有飄零恨  
何況寒燈獨夜船

清江浦聽箏

秦箏別調是誰傳  
小撥檀槽亦黯然  
一種落花芳草地  
傷心又值李龜年

菊部飄零踏市塵  
繁絃急奏總酸辛  
胡琴碎擲長安客  
何況天涯老病人

一曲離歌聽漸酣  
拋殘紅豆滿江南  
春風忽憶纖纖手  
雁柱華年正十三

平原道中杏花

黃河一渡卽風沙  
柳未搖青草正芽  
偏是杏林春信早  
十分顏色半開花

小樓聽雨夢如烟  
綺陌風光又馬前  
惆悵一枝才入手  
紅粧孤負十三年

雙燕呢喃話別愁  
緘書應寄大雷秋  
如今縱有簪花分

管領春風已白頭

女弟素雲嘗畫杏花  
雙燕圖送余入都

白溝河

蒲帆葉葉馬前過  
官路縈紆出裏河  
楊柳綠於春水近  
菜花黃似故園多  
薄寒有客沽村釀  
新霽誰家理釣蓑

莫道鳳城連騎晚風光無限未蹉跎

陳石士編修闢中有懷姚姬傳先生詩且屬伯昂  
畫秋菊芙蓉便面奉寄門下士皆有觀款以先  
生數稱余詩乞題二十八字

鍾阜傳經已白頭皖江歸臥又扁舟東風桃李孫枝遍  
卻與先生畫錦秋

石士又以伯昂編修闢中所畫牡丹屬題

歐碧原同魏紫誇託根得地最清華空山風露無人管  
小草幽蘭一樣花

題李子仙孝廉投壺圖

小築臨溪日未斜  
哨壺枉矢亦風華  
俊游通夜燒紅燭  
新句何年換碧紗  
一笑天應迴玉女  
百驍人自賞蓮花  
高才命中尋常事  
且脫春衫付酒家

五月廿四日翁覃溪師命公子星源邀余同劉芙

初編修葉東卿上舍游宏善寺觀壁間陳香泉

書徐青藤畫崔賦且搗石本而歸

康熙戊子六月十日書

正七年己酉二月五日顯親王摹勒上石師詩先成奉和一首兼貽

寺僧

幸不遭逢薦福雷  
百年妙墨黯蒼苔  
雲蟠老樹松身健

寺松甚奇風逼遙天崔勢迴  
禹慎齋畫雙崔卽在西壁董偈更聞留寺家

附近墳家寺有香光書偈

韋園誰復記樓臺

寺爲前明宦官韋某舊園

題詩便與

成三絕得髓蓮洋愧後來

陶雲汀

謝

侍御見示使蜀詩卷卽書其入棧出峽

### 二圖後

手持絳節上青天奇句飛來似謫仙  
鳥道七盤通驛騎猿聲三峽送歸船  
美人名將都陳迹文字江山有夙緣  
我亦平生輕萬戶凌雲載酒定何年

覃溪師以靈隱書藏記墨刻及收法時帆學士存

### 素堂集帖子裝潢成卷屬賦

午夜分題共一燈詩龕舊榻冷于冰  
東林副本收纔到



鹿洞初盟踐未能  
賸蘂還應搜退谷

君與余有西山唱和詩

荒村

誰更訪茶陵

李文正公墓在畏吾村君約同人歲修祀事

湖山管領兼文字

願作雲林簿錄僧

李春湖宗丞邀同尺五莊雨集

林壑娛休暇高閒亦性情  
看花兼內集

是日爲尊夫人初度

載酒

有門生

謂蘆又航太史楊飛泉明府

幽鳥催提榼仙雲送出城  
良辰

歌舞地誰記選幽行

楊柳連村樹荻蒲野水灣  
行廚穿篠入吟屐踏苔還萬  
葉雨香發一花風態閒隔溪濃翠溼看殺晚晴山

陳朗亭觴月小照卽送其之官桂林

不負當頭月平生酒一卮露華香入盞風葉響成詩夜色寒蛩語秋心旅雁知天青搖槳去江水亦相思

題陳體慈郡丞二圖

慈竹秉高節春迴冰雪姿孤生依母筍餘蔭及孫枝祿養同朝早官程赴牒遲檀藥寒碧裏先與補笙詩

慈竹春陰

圖

舊廬閨典盡三徑手栽存晚節花能豔重陽酒孰溫隨兄宦京國奉母說家園昨夢尋秋去寒香遍水邨

菊存圖

題石士侍御所藏冷待詔謙蓬萊仙奕圖

花光海氣擁樓臺一局滄桑換幾迴異術藏身原大隱

同時佐命有仙才

卷中有劉青田周顛跋語

烟霞何與人間事翰墨

猶存劫後灰勝負俱忘吾一笑金門小住亦蓬萊

送湯价人太守典郡鎮安

扶蘇山翠擁邊城水酌榕江夢亦清  
花照蠻天銷午瘴雪融戰地受春耕  
常楊學步資猶淺韓富同時宦早成  
若許草堂分宦俸閒居奉母足平生

寄李松甫年丈

卜宅湘南舊曾探湘水源半江銷雪水  
萬古漱雲根詩骨瘦如此仙心誰與論  
一編肯持寄淨妙滌塵昏

題伊雲林光祿丈及其子墨卿太守  
禁苑崔鳴

圖兼示其孫銘谷明經

雙雀迴翔 紫禁遙花陰清唳徹層霄趨庭詩自承家

學戲綵人還侍早朝太守時官比部宦海風波迎養晚謂惠州舊事

仙山歲月著書銷展圖莫抱枯魚恨泣硯如今有范喬

題徐又淑女史畫蘭

玉臺嬌小擅才名愛寫幽香亦性情記向花陰看落墨

鷗波自署女門生

華年妙墨略相同擊節當時荷上公林下如今成獨秀

一枝斑管領春風女史與吾姬綠春年甫十五俱能畫蘭嘗合作一冊爲思元主人所賞各

贈以詩綠姬下  
世今五年矣

再題漁洋山莊圖後送陳伯芝歸里

蠶尾山中有舊莊幽棲卻愛借漁洋詩人例有名山癖

儂亦匡廬畫艸堂

予有黃巖詩屋圖

雲樹中田

君所居村名

接香冥香蘇約略似棲靈

山名

輸君高

枕殘書臥看飽家山一桁青

送楊雪帆

懋恬

方伯擢任關中

橐筆樞廷久忠勤

聖主知曾經磨盾墨復此擁旌麾

紫禁趨朝日蒼生

待澤時恭承

天眷渥前席問瘡痍

方岳領秦中河山百二雄  
西安新幕府北斗古離宮  
察吏先民隱籌邊祝歲豐  
請看分陝地周召有遺風

賤子生同歲

君及余皆乾隆丙戌三月誕生

交情若弟昆誦芬貽祖澤

負笈共師門

同受業于覃溪師

位業韓經略家聲范伯孫願君

成偉節繼武卽酬

恩

君爲勤恪公冢孫

連日停車騎論心亦暫歡  
才名傾座易出處代籌難薄  
祿求將母中年愧冗官  
匡時賴公等餘蔭及孤寒

綠春畫梅舊扇爲吾女小漪作

羅浮仙夢已無痕  
烟月淒迷記水邨  
今日頭銜因女換

但看花影亦銷魂

余悼姬有傷心一樹梅花影曾上仙

中書小印以贈

唐陶山太守金陵行館有連理木瓜二株因屬汪

澣雲侍御作連楹軒圖邀余同詠

六朝烟月借吾廬玉樹交柯照讀書並蒂宣城疑有種

見陸放翁詩

雙花崔宅定移居

見劉隨州詩

詩篇綺麗瓊難報宦

味清酸酒不如爭及故園山水窟白頭兄弟話樵漁

哭周希甫太守

萬里歸朝兩鬢霜百年沈醉幾重陽

乙丑君自滇入都同集寓齋賞菊

故人俱作騎鯨客仙吏曾無飼雀糧生已典衣辭茂苑

死應埋骨近清湘詩壇海內今寥落誰繼鉛山一瓣香

重九日程香谷太守邀集萬柳堂同作

俊游回首卽山河逸興飛騰奈晚何我與野雲添故事  
誰聞驟雨打新荷酒罇日暮愁吹笛棋局旁觀笑爛柯  
莫怪登臨增別緒應劉同社已無多

繼室蔣氏來歸有述

窈窕青溪最小姑浣紗何日到姑蘇人因晚嫁猜奇豔  
生本清門亦少孤華省暫留官似客名山偕隱老堪娛  
含飴早慰衰親願歸聽啼聲引鳳雛

相國曹儷笙先生以放翁青燈有味似兒時句寫



眞命題

元老雍容侍 講筵綵毫香透 御爐烟黃屏風度仍

寒士白髮精神倍少年四海望深調玉燭九霄

恩重撒金蓮誰知月冷霜嚴夜獨就芸窗手一編

難得趨庭受讀時酸心早廢蓼莪詩眉山家學傳都遍

漱水勲名補未遲

先宮保公已與  
枚卜以乞養歸

才子頭銜今老鳳先

公手澤是嚴師蘭臺書奏

天顏喜定有缸花預報知

平生道味別鹹酸富貴浮雲總倦看畫粥光陰回首易  
調羹事業稱心難封章密進晨猶溼散帙沉吟夜又闌

廣廈萬間書萬卷願分藜火照孤寒

蒼錄蘇齋許細論敢從房杜溯淵源

先生及梁皆受業于覃溪師

粗已悔研經晚才退方知學道尊紅藥庭階容負笈青箱世業更貽孫詩家三昧公餘事或可傳燈及鈍根

### 賀覃溪師生孫

佳氣程門瑞雪融孫枝昨日長新桐詩成黃閣先諸老

謂曹鶴笙相國

宴復瓊林繼阿翁

師于是年重宴瓊林

應運奇才生未晚

傳家獎訓聽須聰他年述德追嘉會湯餅筵開記我同

### 鄧嶰筠

廷慎

同年典郡秦中卽席賦贈

蘭江水味似官清甘澍隨車又鎬京秦地山河宜戰守

漢家守令卽公卿六軍斂手尊韓愈多士傾心拜許衡  
君本蓬萊香案吏莫教前哲占聲名

青嶰山堂太乙舟清詩每憶共磨酬兩家兒女知交分  
六代鶯花入旅愁報國白繙循吏傳買山應爲故人謀  
長安此去眞天上回首離筵亦俊游

題章樹階大令寶書別墅圖兼示程晴峯儀部

橫槊詩成鐵騎間頭銜纔換鬢毛斑宦情已似秋來水  
鄉夢先游畫裏山啜菽家風甘澹泊種花田地愛寬閒  
謾觴仙館能招隱我亦扁舟乞養還

題張簑園別駕問梅圖

驅背詩情苦未銷  
亂山飛瀑路迢迢  
不知何樹花開早  
只爲尋香渡石橋

平生風味記梅顛  
畫裏相逢亦惘然  
青笠紅衫吾故態

滿身風雪拜花前

余有拜梅圖

徐謝山州牧屬汪澣雲侍御作香雪海丙舍讀書

圖乞詩爲贈

畫秋灰寒五十年  
書聲猶記屋三椽  
吟餘繞樹香成海  
夢裏還家雪滿天  
白髮無情銷壯節  
青燈有味戀殘編  
乞身早踐歸耕約  
添種梅花買墓田

題汪子山太守綠淨園圖

怪石千峯樹十圍  
畫闌六曲俯明漪  
鴛鴦浴水雲俱豔  
蝴蝶尋花路不知  
名酒異書堪跌宕  
美人香艸費相思  
卻愁五馬匆匆去  
難得風懷似昔時

十二月二十七日大雪偕閨人錦秋游陶然亭歸

汪漣雲侍御爲作江亭眺雪圖

仙人古樹俯層城  
烟景依然逼玉清  
飄盡天花無色相

悟來人海亦空明  
翠翹風雨游如昨

綠姬嘗同漱霞女史雨中燕集于此

粉本溪山畫又成  
斗酒因君謀一醉  
驕驕裘典趁新晴

除夕次韻答謝向亭

階樹

編修

豈有高文解送窮  
生涯消遣畫叉中  
囊多詩艸身逾瘦

硯有冰花墨未融殘歲米鹽愁薄宦故園幡勝舞村童  
叩門求水謀粗給且復消寒借酒筒

爲黃退庵丈題馴鹿山莊圖並寄郭十三頻伽

丙舍溪田可退耕二紅飯飽踏青行有花開日頻澆酒  
無事經年懶入城才子承歡能上第謂雲青編修故人偕隱

足平生只嫌孤負匡時手閒課桑麻答 聖明

幾年不見郭祥伯

集中詩與君唱和最多

文字江山誰擅場誓墓

初心多愧負買舟歸夢極疎狂春從西子湖邊別詩可

東林寺裏藏輸與鹿門同結社水邨烟徑認微茫

元旦入朝是日卽歸內閣直宿

乙亥

紫禁黃扉咫尺間朝衣香惹篆烟還慈烏難得酬初願  
小鳳重來綴末斑元髮無情新歲少清時有味一官閒  
誰知鈴索深嚴地鄉夢依然遶故山

董琴南編修邀集花西小圃次韻同作

詣盡冰霜味風光換早春別離如昨日

謂美初

文謙及茲

辰索句唐花笑營巢越鳥親爲君話廬岳旅夢亦清新  
錢衍石農部寓齋小集題崔庵老人畫松

聶公負高格自寫冰霜姿古貌亮如此冬心持向誰忘

憂餘小草

老人所著詩曰忘憂草

貽蔭及孫枝側想吟身瘦天青

崔嵬時

汪澣雲侍御自寫閒窗小集圖

卷中董小璫齊梅麓詩頗及聽香館

舊事

烟鳥慕幽侶風蟬揚遠音  
況爲同社客各有故園心  
宦味秋雲薄離懷夜雨深  
因君譚往事暗淚一霑襟

程春廬員外屬題其室人吳瑟兮女士寫韻樓畫

冊

冰玉論交二十年

君外舅吳夔庵爲余舊交

知君眷屬總神仙  
寫生

妙得烟霞氣

女士初善花卉近工山水

偕老偏多翰墨緣  
廬阜竹枝

尋斷碣

楞伽院舊有山谷母姨李氏墨竹今以岳姬綠春所畫鐫石補之

桐江風雪夢

歸船

去春雪中過桐江乞女士繪圖以紀

移家願借西山隱  
誰給寒閨賣



畫錢

脂粉無凡豔雲泉多俊游眉峯相對遠花骨幾生修綵  
筆能兼妙金閨不易求畫徵誰補錄持此繼南樓

題聽香館畫梅兼示錦秋

瘦影寒香伴掩關幾生修到尙緣慳如今林下應偕老  
守着梅花夢亦閒

鄭少谷先生自書雜感詩真蹟爲林少穆編修題

虎臥龍跳筆一枝黃河水色艸堂詩

語見集序

萬言伏闕年

猶少九死看山病亦奇

先生以游武夷病卒

早退身關天下重遺

書心許後賢知狂生經世無長策也愛驂雲入武夷

甘泉宮瓦當拓本爲梁蒞隣儀部題

金碧樓臺委戰塵  
嶺雲猶鎖漢宮春  
瓦當文字收蘭話  
石墨因緣又蒞隣  
四庫會聞邀著錄  
三山重與遡清真  
題名合付蘇齋後  
我亦欽奇可笑人

陳受笙孝廉行腳看山圖

林猿野雀是朋儕  
拄杖飄然瘦影偕  
搜遍千峯成畫藁  
放教萬里入吟鞋  
才華也是多生累  
婚宦須防夙願乖  
茅屋三間吾送老  
身名甘共白雲埋

錢辛楣先生嘗以月夜游林屋洞詩見寄未及奉  
和今覽紀游圖冊愴然有作

峯頂波濤礪底雷洞天終古不曾開松明十里燒雲入  
鐵杖三更扣石迴烟月迷離如斷夢湖山寥落幾仙才  
奇書猶恨人間少願乞龍威借讀來

讀洪稚存編修林屋洞詩因憶廿年前君自述至  
洞天深處已有所見一念遲迴遂失所在率成

二絕

頭上波濤一萬重腳根雷雨又千峯洞天莫要

只恐將身亦化龍

松炬燒殘石燕飛濛濛溼翠易霑衣金庭一別無消息  
應悔人天轉念非

江上送別圖王子卿侍御屬爲胡華川題

白鷺洲前退晚潮  
蘆花漠漠柳蕭蕭  
峭帆一夜風吹去  
愁滿江南廿四橋

一笛斜陽兩鬢絲  
櫓聲搖曳渡江遲  
酒醒莫更推篷看  
只有青山似舊時

戴竹友銀藤花館填詞圖

圖中有倩霞小影

洗紅池閣遶疎藤  
細譜吳歎寫蜀綾  
一院幽香吹作雪  
六朝舊夢冷于冰  
吟魂比我銷還早  
綺語因君懞未能  
娛老也容身入畫  
散花天女在家僧

予與閨人有江亭曉雪圖

閨人自署石溪漁婦寫漁隱圖冊爲賦一詩

得失蕭然兩不關  
閒心合併老身閒  
收竿笑擲雙紅鯉  
迴櫂隨飛幾白鷗  
微有墨香浮細藻  
略分眉黛上春山  
自家寫照臨谿坐  
只在蘆碕竹漾間

再題漁隱圖扇

風葉蘆花一釣舟  
石溪真見錦成秋  
漁兒漁女須添畫  
偕隱青山共白頭

送王子卿太守典郡江蘇

驄馬朝天度石梁  
繡衣領郡謝風霜  
吏才足用真經術  
民隱曾諳舊奏章  
千里掛帆隨白雁  
全家行李半青箱  
故山恰與江程近  
宦味尊鱸一倍香

題關蕉石水部潞河送別圖

昨日游君畫裏山斜陽積翠萬峯閒

君以山水長卷見貽

今朝聞

買河邊櫂遠水高雲千里還題柱仙郎衣正綵倚門慈  
母鬢俱斑明年我亦抽帆去若過君家定款關

題王太史藕塘游五蓮峯詩卷二首

奇峯何處忽飛來生面因君特地開參透詩家無上諦  
能空依傍是天才

層霄削出翠芙蓉握手應登第一峯海日三更雲萬里  
人天都在佛光中

書船山詩後

千巖萬壑鬥風雷虎豹叢中往復回  
除夕狂邀神女醉戰場親唁鬼雄來  
高歌拔劍心原壯冷眼觀棋事可哀  
一佩郡符奇句少江山祇助謫仙才

五月二十日爲石溪漁婦生辰題其自寫漁隱圖後

倦羽還山亦並飛去年此日卸征衣  
我纔掃徑攜琴入兒已投懷認母歸  
小病未容青鬢改幽尋肯令素心違  
鹿門偕隱應常健重點蒼苔畫釣磯

百花洲寓舍卽事

小拓軒窗似釣篷水雲心跡故人同  
憑將大葉高花影

收入浮嵐淺黛中雙屐綠沾初過雨一襟香透晚來風  
鑑湖愧我頭銜舊團扇何人畫放翁

雲臺中丞枉過賦謝

百花潭水卽滄浪枉駕頻勞過草堂官醞濃分經術味  
仙詩清帶露荷香旌旗捲雨從閒卧衫袖臨風透午涼  
湖上一竿能送老願公眞爲買漁莊

荷蓋亭納涼

水閣玲瓏俯畫橋芙蓉照影亦蕭蕭千花坼露晨香重  
萬葉含烟夜色遙吹笛誰家方倚檻喚魚有客便停橈  
不應冷翠空蒼裏猶道人間熱未消



十三日月中泛舟

一天明月萬荷花十里涼風與放槎難得論詩逢賀監

是夕阮雲臺中丞枉過談詩良久

況同載酒有侯芭

謂艾生美中汪生晴嵐

迢迢

極浦空波合杳杳西山斷靄遮願借碧筒拚劇醉結茅無地且浮家

題蔣礪堂制府濂溪課士圖

銅柱威名鎮百蠻朝天旌節擁初還誰知黃卷青燈夢只在光風霽月間松已拂雲猶長養雀來聽講亦高閒瀛洲玉筍添多少應念謨觴是故山

淵源房杜敢同誇曾向河汾侍絳紗

公與予同出覃溪師門下祭鰲

文高應化俗雕蟲技薄未名家老知嚮學羞遲鈍公肯  
憐才借齒牙私喜心香同一瓣冷官儂亦愛蓮花

周子亦官

國子博士

### 逍遙山道中呈曾賓谷中丞

林風石瀨共潺潺行過溪橋第幾灣紅葉隨人穿古樹  
白雲導我入仙山亡羊已悔多歧路

是日迂道十里

攜崔同來

且叩關莫笑書生凡骨重得依幢節未緣慳

賓谷先生用西山詩人施陳故事爲詩見貽卽效

### 其體次韻奉酬

曾吳當日兩真人駕鹿驂龍事總陳

曾亨字字興國吳猛字世雲各驂白鹿

龍車上昇我豈世雲偏小謫公知興國是前身官憐從事猶

歸省黃仁覽為貴州從事宅近宗華況比鄰彭伉所居

地今與鄰每夜一歸省親豫章畫水歸來游嶽遍吳持羽扇畫江而渡曾洞

第最近天清曠本無塵

用前韻再呈賓谷丈

荷花曾醉謫仙人賀監論詩迹未陳君嘗寄蓮花博知

已難酬千斛淚出山悔負百年身黃鑪惆悵聞新笛樂

裳近歸碧澗荒涼改舊隣吳白庵晚號小築厭原堪送

道山老人間榮悴總浮塵

許真君祠

萬古逍遙地全家此上昇蛟龍歸蕩滌雞犬得飛騰晉  
柏香猶昔唐鐘考未能似聞神劍出雷電掣丹陵

翠巖寺

石霜山名依鉢舊壁字尙籠紗鍊鑊千僧飯銅瓶十丈花  
齋廚通笕水講室照松霞近寺多名蹟吟筇一徑斜

洪厓井

下與章江合中藏古洞天山根出雷雨樹杪落風泉松  
籟瑤琴裏茶香石臼邊雪精誰省識暫別已千年

梅仙祠

吳市藏名久何年此閉關讀書惟養性采藥不知還諫

草焚仍在蓮花種亦閒羊裘有佳婿卻占富春山

陽靈山

一路松篁密山深似太初幽人棲洞室馴鳥下階除雨  
色千峯淨松聲萬壑虛棄官吾恨晚只愛讀仙書

夢中與賓谷遍游諸山

一枝筇杖幾芒鞋踏遍天涯又海涯萬里豈知萍梗合  
兩人還許釣游偕溪聲到枕涼初透嵐氣霑衣溼未揩  
便與問天攜警句青山肯被白雲埋

用前韻再呈賓谷丈

林棲早換筍皮鞋除卻雲巔便水涯循吏斬蛟心太苦

仙人騎虎隱堪偕聽泉卻就松陰坐題石還將蘚綠揩  
誰爲游山常荷鍤不能沖舉願沈埋

次韻賓谷丈夜雨追憶山中

寒溪嗚咽轉林隈鈴語猶疑古寺哀空翠幾峯成細雨  
奔流萬壑響驚雷延年待覓還丹訣結習難忘敗筆堆  
爭怪清游頻入夢看山無地起樓臺

徐孺子祠

豈乏匡時略先幾鑒獨深潔身辭黨禍卜宅有仙心

君慕

梅尉卜居宅東見太平寰宇記

下榻風猶古生芻感至今湖亭烟水闊

昨夢亦幽尋

吳綵鸞寫韻軒

簫聲飄渺下瑤臺賣字人間亦可哀只爲清修淹歲月

未妨小謫謝風雷奇踪跨虎千峯遍餘事栽花四季開

眞誥分明傳契合莫因綺語誤仙才

唐人傳奇載吳君與文簫會合感風

靈之異謫居十有八年日寫唐韻賣以自給能種碧桃丹桂四季開花後各跨一虎陟西山仙去虞文靖公引眞誥李夫人少女降陽生事謂元契遇合眞道不邪雖有夫婦之名而無敝穢之跡辨證甚確知小說家附會不足信也

北蘭寺觀宋棉津中丞畫像

畫戟清香幕府開吟衫偏愛浣蒼苔能忘富貴原高韻  
況有江山助逸才一代盛名誰主客卅年詩夢我低徊

舊與翁覃溪王蘭泉  
兩先生譙游于此  
秋屏閣廢無人管猶爲南豐載酒  
來

藥師院題壁

萬竿誰種竹如椽半覆籬牆半插天時有江光來樹杪  
忽移帆影到窗前棲林白鷺明于雪隔岸青山澹欲烟  
輸與寺僧閒領略雨斜風細又迴船

自題西山唱和詩後答賓谷丈

探奇曾陟翠微顛一笛秋聲已十年  
曩在京師與法梧門學士同游西山  
有唱和詩一卷陶琴垞大令盡次其韻且爲鋟板秦小峴侍郎序而行之  
老入鄉山偕杖履  
重拈醉筆埽雲烟交情劉白吾滋愧句法歐梅世早傳



香齋山館詩集卷九

三

君刻刊上題襟集  
與余贈答詩最多  
從此林間常把臂  
采芝得謗亦神仙  
陸放翁寄朱子武夷山中詩莫更  
采芝驚世俗恐人謗道是神仙

香齋山館今體詩鈔卷九終